

Broj: 02C-5351-10/25

Datum: 01.07.2025. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj 02C-5351-8/25 od 27.06.2025. godine, u postupku javne nabavke roba **Nabavka laboratorijskog namještaja, JN 43/25**, direktor Javne ustanove Opća bolnica „Prim. dr. Abdulah Nakaš“, je donio

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj 02C-5351-8/25 od 27.06.2025.godine, za javnu nabavku roba – **Nabavka laboratorijskog namještaja**, te se Okvirni sporazum za nabavku roba dodjeljuje Ponuđaču DERBY TRADE d.o.o. Brčko, za LOT-ove kako slijedi :

1. LOT 1 Inox stolovi – 36.999,00 KM bez uračunatog PDV-a, odnosno 43.288,83 KM sa uračunatim PDV-om kao jedinom i prihvatljivom ponuđaču;
2. LOT 2 Stol za obdukciju – 11.600,00 KM bez uračunatog PDV-a, odnosno 13.572,00 KM sa uračunatim PDV-om kao najpovoljnijem ponuđaču.

**Član 2.**

Postupak iz člana 1. ove Odluke proveden je metodom „otvoreni postupak za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

**Član 3.**

**Informacija o E-aukciji:**

Ugovorni organ je u tenderskoj dokumentaciji predvidio provođenje E-aukcije za Lot 1 Inox stolovi. Nakon prijema i evaluacije ponuda konstatovano je da je ponudu za Lot 1 dostavio 1 (jedan) prihvatljivi ponuđač.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

Ugovorni organ je u tenderskoj dokumentaciji predvidio provođenje E-aukcije za Lot 2 Stol za obdukciju.

Po završetku E-aukcije, a na osnovu Izvještaja o toku i završetku E-aukcije, ponude navedenih ponuđača za predmetnu nabavku su rangirane kako slijedi:

1. DERBY TRADE d.o.o. Brčko sa konačnom cijenom ponude u iznosu od 11.600,00 KM bez uračunatog PDV-a;
2. EMGEN d.o.o. Sarajevo sa konačnom cijenom ponude u iznosu od 11.780,00 KM bez uračunatog PDV-a.

#### **Član 4.**

Izabrani ponuđač DERBY TRADE d.o.o. Brčko je svoju početnu cijenu nakon provedene „E-aukcije“ za LOT 2 umanjio za procenat od 10,77% pa će se sve jedinične cijene po stavki iskazane u Obrascu za cijenu ponude umanjiti za isti procenat, te tako umanjene cijene primjeniti u Okvirnom sporazumu.

#### **Član 5.**

Izabrani ponuđač DERBY TRADE d.o.o. Brčko obavezuje se da dostavi originale ili ovjerene kopije dokumentacije iz člana 45. Zakona o javnim nabavkama, u roku od 10 dana računajući od dana prijema ove Odluke, putem protokola Ugovornog organa, obzirom da iste nije dostavio uz ponudu.

#### **Član 6.**

Prijedlog Okvirnog sporazuma o nabavci dostavit će se na potpis izabranom ponuđaču nakon isteka roka za žalbu, a najkasnije u roku od petnaest (15) dana, računajući od dana prijema Odluke ugovornog organa o izboru najpovoljnijeg ponuđača.

#### **Član 7.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 2 i 6. i članom 71. stav 2. Zakona o javnim nabavkama („Službeni glasnik BiH“ broj 39/14 i 59/22, 50/24).

#### **Obrazloženje**

Postupak javne nabavke sproveden je putem otvorenog postupka, broj tendera JN 43/25, a isti je pokrenut Odlukom o pokretanju postupka javne nabavke broj 02C-5351-1/25 od 14.04.2025. godine. Komisija za nabavku, imenovana je Rješenjem broj: 02C-5351-2/25 od 14.04.2025. godine.

Obavještenje o nabavci broj 1125-1-1-203-3-257/25 objavljeno je na Portalu javnih nabavki dana 29.05.2025. godine u „Službenom glasniku“ br. 34/25 od 09.06.2025.godine, Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Preporuku o izboru najpovoljnijeg ponuđača broj: 02C-5351-8/25 od 27.06.2025.godine, Zapisnik o pregledu i ocjeni ponuda broj 02C-5351-7/25 od 27.06.2025.godine i Izvještaj o radu broj: 02C-5351-9/25 od 27.06.2025.godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude
- da su blagovremeno primljene 2 ponude
- da nije bilo neblagovremeno primljenih ponuda



## **Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:**

Ponuda ponuđača Emgen d.o.o. Sarajevo za Lot 2 ispunjava sve tražene uslove u pogledu opisa predmeta nabavke i tehničkčke specifikacije, te je ista uzeta u dalje razmatranje.

Ponuda ponuđača DERBY TRADE d.o.o. Brčko za Lot 1 i 2 ispunjava sve tražene uslove u pogledu opisa predmeta nabavke i tehničkčke specifikacije, te je ista uzeta u dalje razmatranje.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Emina Turković, direktorica, Kancelarija za nabavke

Kontrolisala:

Aldijana Ećo Ajkunić, pravnik, Šef odsjeka javnih nabavki



**DIREKTOR**  
**Prof.dr. Ismet Gavrankapetanović**

### **Dostaviti:**

- EMGEN d.o.o. Sarajevo, Patriotske lige do broja 48, 71000 Sarajevo
- „DERBY TRADE“ d.o.o. Brčko, Jovana Dučića broj 1, 76100 Brčko
- Odjeljenje za ekonomsko finansijske poslove
- Odjeljenje za tehničke polove i investivije
- Odsjek za javne nabavke